



SAKSPAPIR

Saksnr	Utval	Type	Dato
17/2021	Bygdeutviklingsutvalet	PS	11.05.2021

Sakshandsamar	Arkiv	ArkivsakID
Tore Henrik Øye	FE-231	21/648

LØYVING AV BYGDEUTVIKLINGSMIDLAR TIL OPPARBEIDING AV BÅLPASS OG GAPAHUK VED DALEELVA I DALEVÅGEN

Vedlegg:

Søknad om midlar til gapahuk/bålplass
Budsjett Gapahuk

Kommunedirektøren sitt framlegg til vedtak:

Bygdeutviklingsutvalet i Vaksdal kommune løyver inntil kr. 35 000,- i bygdeutviklingsmidlar til Vaksdal Turlag, org. nummer 920016251, for etablering av bålplass med gapahuk langs Daleelva ved Tveite i Dalevågen.

Løyvinga utgjer 31 % av «godkjend kostnad» på kr. 111 000,- (øvre ramme), i samsvar med søknaden og utarbeidd budsjett.

Vedtaket er fatta med bakgrunn i «Retningslinjer for tilskot til bygdeutvikling». Løyvinga skal takast frå utvalet sine tilgjengelege midlar for 2021.

VILKÅR for tildelinga:

- Avtale med grunneigar på gbnr. 22/540 og eventuelt naudsynte løyve må liggje føre før gjennomføring av tiltaket og utbetaling av tilskot.

Tilskotet kan (del)utbetalast i førekant av gjennomføring, etter førespurnad.

Sluttrapport med kostnadsdokumentasjon skal sendast til kommunen innan tre veker etter at tiltaket er gjennomført. Daglege timelister over eige arbeid skal gå fram av dokumentasjonen.

Løyvinga gjeld for 2 år frå og med vedtaksdato. Etter dette vert midlane trekt attende.

Bygdeutviklingsutvalet - Sak 17/2021

BYG - Behandling:

Utvalet drøfta saka

Kommunedirektøren sitt framlegg til vedtak vart samrøystes vedtak

BYG - Tilråding/Vedtak:

Bygdeutviklingsutvalet i Vaksdal kommune løyver inntil kr. 35 000,- i bygdeutviklingsmidlar til Vaksdal Turlag, org. nummer 920016251, for etablering av bål plass med gapahuk langs Daleelva ved Tveite i Dalevågen.

Løyvinga utgjer 31 % av «godkjend kostnad» på kr. 111 000,- (øvre ramme), i samsvar med søknaden og utarbeidd budsjett.

Vedtaket er fatta med bakgrunn i «Retningslinjer for tilskot til bygdeutvikling». Løyvinga skal takast frå utvalet sine tilgjengelege midlar for 2021.

VILKÅR for tildelinga:

- Avtale med grunneigar på gbnr. 22/540 og eventuelt naudsynte løyve må liggje føre før gjennomføring av tiltaket og utbetaling av tilskot.

Tilskotet kan (del)utbetalast i førekant av gjennomføring, etter førespurnad.

Sluttrapport med kostnadsdokumentasjon skal sendast til kommunen innan tre veker etter at tiltaket er gjennomført. Daglege timelister over eige arbeid skal gå fram av dokumentasjonen.

Løyvinga gjeld for 2 år frå og med vedtaksdato. Etter dette vert midlane trekt attende.

Saksopplysningar:**Samandrag/konklusjon (kort om saka):**

Bygdeutviklingsutvalet har kr. 500 000,- i tilskotsmidlar til fordeling i 2021.

Vaksdal Turlag søker om kr. 35 000,- i tilskot til å etablere universelt utforma bål plass med gapahuk langs Daleelva ved Tveite i Dalevågen. Arealet høyrer til gbnr. 22/540, med Gunnar Dale som grunneigar. Føremålet er å nytte plassen i samband med organisert turopplegg for personar med nedsett funksjonsevne, samstundes som den skal vere open og tilgjengeleg for alle.

Kommunedirektøren finn at innhaldet i søknaden er i tråd med føremåla som bygdeutviklingsmidlane skal fremje, og går inn for å løyve inntil kr. 35 000,- i tilskot, tilsvarende søknadsbeløpet. Tilskotet tek utgangspunkt i kr. 111 000,- som «godkjend kostnad»/øvre ramma, og utgjer 31 % av kostnaden.

Vilkåret for løyvinga er at det vert gjort avtale med grunneigar før gjennomføring av tiltaket og utbetaling av tilskot, saman med innhenting av eventuelle løyve etter plan- og bygningslova.

Bakgrunn for saka:

I søknad av 29.03.21 søker Vaksdal Turlag, v/ Elizabeth Gjessing, om kr. 35 000,- i bygdeutviklingsmidlar for å tilretteleggje bålplass med gapahuk på gbnr. 22/540, langs Daleelva i Dalevågen. Dette utgjer 31 % av budsjettert kostnad på kr. 111 000,-. Totalt sett vert det lagt opp til 76 % i ekstern finansiering.

Bakgrunnen for søknaden er turlaget sitt ønske om å få i gong tilrettelagt aktivitet for personar med nedsett funksjonsevne, der planlagt bålplass vil vere ein del av eit slikt tilbod. Planen i dette høvet er å bruke plassen i samband med organiserte turtilbod for målgruppa. Gapahuken vil bli universelt utforma, og plassen skal vere tilgjengeleg for alle.

Søkar skriv at utgangspunktet for initiativet er fjorårets erfaring frå temadagen om inkluderande friluftsliv, der det vart sakna ein etablert bålplass med høve til å trekkje under tak, og som samstundes er eigna for rullestolbrukarar.

Det går fram at laget vil stå for oppføring og vedlikehald av gapahuken. Grunneigar er kontakta om tiltaket.

Budsjetterte kostnader, med finansieringsplan, går fram under:

Post	Kostnad (kr.)	Finansiering (kr.)
Grunnarbeid	20 000,-	
Byggjesett gapahuk	50 000,-	
Benker	10 000,-	
Frakt	5 000,-	
Diverse	5 000,-	
Eige arbeid (70 t, a kr 300,-)	21 000,-	
Tilskot frå Bygdeutviklingsutvalet		35 000,-
Tilskot Ildsjelfondet		50 000,-
Eigeninnsats, arbeid		21 000,-
Eigne midlar		5 000,-
SUM	111 000,.	111 000

Formelt grunnlag

- Kommunelova - generelle sakshandsamingsreglar.
- «Retningslinjer for tildeling av midlar frå Bygdeutviklingsutvalet», vedtekne på møtet av 26.05.20; <https://www.vaksdal.kommune.no/innhald/landbruk-nering-og-skatt/bygdeutvikling/retningslinjer-for-tilskot-til-bygdeutvikling/>

Det formelle grunnlaget vert vurdert under «*vurderingar og konsekvensar*».

Vurdering og konsekvensar

Søknaden vert vurdert å vere i samsvar med retningslinjene for tilskotsordninga sine krav til innhald, og kven som kan søkje om midlar (mellom anna friviljuge lag/organisasjonar).

I følge retningslinene skal bygdeutviklingsmidlane nyttast til føremål med ålmenn nytte, og stimulere til levande bygdeliv. Midlane skal kome mange til gode, skape trivnad og medverke til aktivitet som er tilgjengeleg for alle. I dette høve kan det gjevast midlar til materiell og utstyr til ulike prosjekt og stader. Det kan òg gjevast støtte til kurs og kompetanseutvikling, men ikkje til drift.

Tiltaket det vert søkt om midlar til, har ein tilretteleggjande og inkluderande profil, spesielt ovanfor personar med nedsett funksjonsevne, og det vert lagt opp til bruk av plassen i samband med organiserte turtilbod. I tillegg vil tiltaket kunne ha brei, ålmenn nytte og fremje «det nære friluftslivet», ved at plassen skal vere open for alle, samstundes som den blir liggjande sentralt og lett tilgjengeleg, nær bustad-/ tettstadsområde. Søknaden sitt innhald er difor i tråd med føremåla som bygdeutviklingsmidlane skal fremje.

Området i Dalevågen, mellom anna der bålplassen er tenkt, er mykje nytta som turområde, og det står ein liten gapahuk ved elva frå før. Inntrykket er at denne vert nytta ved fiske. I tillegg ligg det fulldyrka slåttemark i område, like inntil elva og bålplassen.

Planlagt tilrettelegging vil truleg leggje til rette for ytterlegare bruk, og søkjar bør avklare dei nemnde forholda med grunneigar og andre som har brukarinteresser i området.

I følge retningslinene kan bygdeutviklingsmidlar løyvast i tillegg til tilskot frå andre tilskotsordningar, og det er ikkje sett noko tak for ekstern tilskotsfinansiering, jf. søknaden om midlar frå lldsselfondet.

På bakgrunn av søknaden sitt innhald, kriteria for løyving av tilskot, tilgjengelege midlar og innkomne søknadar, går Kommunedirektøren inn for å løyve inntil kr. 35 000,- i tilskot til etablering av bål plass med gapahuk i Dalevågen. Tilskotet vert knytt opp til kr. 111 000,- som budsjettert og «godkjend kostnad», med ein finansieringsgrad på 31 %. Dette tydar at lågare, dokumenterte utgifter vil gje lågare utbetaling av tilskot.

Oppføring av gapahuk kan vere søknadspliktig etter plan- og bygningslova. Føresetnaden for tilskotet er difor at eventuelt, naudsynte løyve er innhenta, saman med skriftleg avtale mellom turlaget og grunneigar om bruk og vedlikehald av plassen.